

Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
LN 1409 8°




Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
LN 1409 8°



Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
LN 1409 8°



Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
LN 1409 8°



Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
LN 1409 8°

35. - 175.

DA BOX


LN 1409

M



DE NVPTIIS
INCLYTIDA=
NORVM REGIS FRI-
DERICI SECVNDI, ET
*Sophiæ Illustrissimi Ducis
Vlrici Megalburgen-
sis filię.*

IOHANNES GEORGIVS
Sadolinus P.L. Danus.



Hafniæ,
IMPRESSIT LAVRENTIVS
Benedicti.
In Mense Iulio, Anno
1572.

VOTVM NVPTI-
ALE.

Conijugij Casti *DEVS* est castissimus autor
Coniugibus tribuens commoda læta pijs.
Idem Castigat pœnis truculentus acerbis
Ignibus illicitis quos vagus urit amor.
Eueniant igitur gratissima tempora vobis,
Fœderis ut puri dulce feratis onus.
Vos vehat aurato Concordia fulgida curru,
Angelicusq; latus claudat utrunq; chorus.
Candida præcedat Virtus & dulcis honestas :
Excellens niueis Fama sequatur equis.
Ducite iucundæ felicia stamina vitæ,
Et regat æternus pectora vestra *DEVS*.



DE



DE NVPTIIS INCLYTI
DANORVM REGIS FRIDERICI
Secundi, & SOPHIÆ Illustrissimi Ducis VL-
RICI Megalburgensis Filiæ: Iohannes
Georgius Sadolinus P. L.
Datus.



VR EA Danorum qui Rex Fride-
rice Secunde,
Regibus ex Atauis ac ortus Rege pa-
rente,

Et generaturus placato numine Reges,
Sceptra tenes dextra valida, sphaeramq; sinistra
Schema poli præbentem alti terræq; figuram:
Quiq; piam fuluo monstras diademate frontem,
Ostendisq; latus munitum iure fideq;
Nec gladio tantum præcinctum: quiq; renides
Corporis insigni cultu, mentisq; vigore
Conspicuo, donisq; alijs magnisq; bonisq;
Quæ Natura decens tribuit Fortunaq; culta,
Vel potiùs Deus ipse potens moderator & autor
Naturæ, simul & Fortunæ: Quippè decenter
Insurgis: tollisq; iubar sublimis & altus,
Non secus ac superos inter qui splendet amictu
Iuppiter æthereo rapidam dum mitigat iram
Fatorum & certo disponit singula nutu.

A 2

Tu st

E

DE NVPTIIS REGIIS

Tu siquidem populos recto moderamine ducis
 Non modò bellipotens quà fulget Dania, verùm
 Quà patet ambiguo diues Noruegia tractu,
 Et Gotia exurgit præclara potentibus armis,
 Ac vicina iacens glaciali Islandia ponto
 Famosum iactat solium Plutonis & Heclam
 Flāmiuōmo (velut Ætna tumens) quæ feruet hyatu.

Te talem & tantum Sadolini Musa Poëtæ
 Ore verecundo, Rex ô Friderice, salutat :
 Et (quia casta Deo curæ sunt vota precesq,)
 Omnia fortunata tibi, omnia læta precatur :
 Quod fore promisi cūm Danos carmine Reges
 Nuper honorarem & decorarem flore choroq, :
 Lux etenim diuina aderit, fluet hora benigna
 Qua sociam vitæ tibi Christus maximus addet.
 Tempus erit quo tu socialia fœdera lecti
 Panges laudandi : veniet tibi florida virgo
 Os humerosq, Deæ similis, cui nobile pomum
 Posthabitis alijs formosus detulit vni
 Priamides : quamuis hæc castior, atque beato
 Pectore sancta magis, vitæq, decentior omni,
 Et studijs rectis ornatior, atque modestis
 Moribus aucta magis : nam quid pietate fideq,
 Est melius ? Felix, quem tanto munere magni
 Exornant superi. Gaude, Rex inclyte, gaude

Sorte

FRIDERICI ET SOPHIÆ.

*Sorte tua : siquidem quod agis , Deus optimus ornat.
Ille bonos Reges iuuat & defendit amanter,
Ille pias munit Reginas, seruat & ille
Progeniem Regum, populosq; in pace tuetur,
Quis pietas cordi, quis curæ splendida Virtus.*

*Dicite Pierides, mea gloria, dicite Musæ
Cætera quæ restant memoranda : meumq; iuuate
Conatum , si vos teneris reuerenter ab annis
Aut colui , aut vestras herbis redolentibus aras
Purus adornari : fatcor sine numine vestro
Esse mihi nullum genium ingeniūme tributum :
Vos etenim , ô Musæ , viresq; modumq; loquendi
Fertis , & auxilio vestro fluit aurea vena
Vatibus egregijs , quis dulcia carmina curæ,
Plectraq; sunt cordi , quibus emodulantur amores
Ingenuos pueri Musarum , turbaq; culta
Nobilium Vatum Regum sonat inclyta gesta.*

*Dùm loquimur , clavis resonat concentibus æther
Arduus : insolita gratæ dulcedine vocis
Balthicus exurgit Nereus : Germanica Tethys
E vitreis surgit thalamis , formatq; choreas
Nereidum faciles : Diui diuæq; marinæ
Leniter elati placido se murmure miscent :
Cùm senior Glaucus , tumidarum fusor aquarum,
Vocibus his infit. volitat iam candida Fama*

DE NVPTIIS REGIIS

Per mare , per terras , niueis quæ splendida pennis
(Mirandum dictu) speciosas explicat alas,
Sermonesq; ferit Dani de Regis amore :
Qui sociam poscit , Sophiam quam nomine dicunt,
Principis Vlrici gnatam , quem laude coruscum
Terra Megalburgensis amat , veneratur , honorat.
Quem Regem Danum , quam Regum stirpe puellam
Progenitam , celebrant omnes doctiq; boniq;
Ambos maiorum nam stemmata fulgida iungunt :
Ambos Virtutis decus inuiolabile neſcit.
Vernouides gaudete sacrae , quæ mollibus undis
Miscetis teneros flores , & in vrbe Rosarum
Vatibus Aonijs offertis pocula læta,
Qualia Castalio fundunt è fonte Poëtis
Cultis Pierides Græcæ Latiaq; Camæna.
Vos quoq; Balthiades Nymphæ , quæ Danica regna
Cingitis amplexu dulci , gratoq; liquore
Agros abluitis patulos , Cereremq; feracem
Efficitis , piscesq; simul mercesq; decentes
Nauibus aduectas datis , exultate precantes
Læta pio sponſo , castæ felicia sponſæ
Tempora , qui leges ornant tædasq; iugales.
Mars etenim vestras qui trux rube fecerat undas
Sanguineis manibus , iam demum ritè quiescit :
Et Bellona silet positis feralibus armis

Impia :

FRIDERICI ET SOPHIÆ.

*Impia : non litui , non vos fera classica terrent :
Est mare pacatum , naualia praelia cessant :
Nec , velut ante , volans contorta phalarica stridet ,
Raucaq; concutiunt imbelles tympana mentes ,
Terribilisq; hominum strepitus corda ægra fatigat.
Omnia laticia potiùs , pace omnia plena
Rident : ad votum Friderici dulce Secundi
Temperat astra Deus pulcerrima : vota piorum
Grata Deo , precibusq; sacris hic commodat aures
Ingenuas , dignisq; iuuat successibus omnes
Conatus rectos : sanctum nec deserit unquam
Cœtum , qui Christi placidissima dogmata seruat.*

*Hæc senior Glaucus : vasto se gurgite Triton
Attolens , quis , ait , Friderico par in honore
Danorum Regi ? totum qui strenuus æuam
In studijs rectis transegit : nam puer artes
Amplexus primas Musarum , præbuit alti
Ingenij specimen (testis Suaningius heros
Qui moderator erat primæ custosq; iuuentæ)
Æqualesq; suos haud longo tempore vincens
Non modò Fortuna , quia natus Rege , præiuit :
Sed virtute etiam enituit pulcroq; labore ,
Alter ut Alcides fulgens , & ut alter Achilles.
Illius est igitur dextra Ditmarsia victa ,
Illius auspicio gens est ea tota subacta :*

DE NVPTIIS REGIIS

Iuraq, qui populi spreuerunt Danica, iam nunc
 Daniacæ Legis Friderico Rege iubentur
 Ferre iugum castum, placidaq, fouerier aura
 Innocuæ pacis, postquam cessere repressi.
 Quid referam clades Gothicis quas Gyngius oris
 Intulit, auspicio Friderici? quosq, labores
 Sustinuere equites Dani? sed fœdere facto
 Iam coiêre Duces, magnos concordia Reges
 Sancta tenet, pacem stabilem pia corda sequuntur.
 Lætatur Phœbus, lætatur & Attica Pallas:
 Exultant Charites, promunt sua gaudia Musæ
 Doctiloquæ, lauro Fridericus tempora Vatum
 Victrici incingit, tribuuntur munera doctis
 Digna viris, dantur generosæ præmia iusta
 Virtuti, clarisq, viget preciosa triumphis
 Dania, magnificasq, refert Germania laudes:
 Vtraque grata Deo tellus, ac vtraque Musis
 Cara pijs: sed nunc (sic Dij voluistis) amores
 Eximij Danos Germanis iungere debent
 Fœdere perpetuo. Nam cum Fridericus amantem
 Excipiet thalamo Nympham, cum Nympha pudica
 Se Regi iungens diademata fulgida sumet,
 Danica tunc tellus, tellus tunc Teutona miti
 Iungentur plausu, populiq, in amore quiescent
 Aeterno: nec enim turpis regnabit Erinny's,

Semina

Se
 H
 Ca
 Ca
 Se
 R
 L
 O
 I
 I
 I

FRIDERICI ET SOPHIÆ.

*Semina quæ belli serit, & producit in arma
Horrida mortales miseros, cætusq; proteruè
Conterit humanos, pedibusq; decetia iura
Conculcat, vastatq; agros, & diruit vrbes:
Sed pax blanda genas toto florebit in orbe,
Religioq; decens splendescet flore venusto
Dogmatis ætherei, Legesq; & iura nitebunt.
Omnibus est igitur gaudendum: nōne marinæ
Diuæ gaudentes Thetidem duxere per æquor
Vndinagum pulcram, cuius correptus amore
Peleus ambiuit non obscuros Hymenæos.*

*Et nunc tempus adest quo iunctas fune carinas
Delecti iuuenes Germanæ robora pubis
Educunt, celerantq; rates, & cæcula verrunt,
Velaq; distendunt, & ventis carbasa pandunt.
Virgo venit speciosa, cohors comitatur honesta
Regali pompa, multiq; sequuntur amici
Sanguine vel nitidi, docto vel pectore clari.
Forteq; Dauides Chytræus per freta salsa
Nauigio vectus, sponso sponsaq; benigna
Vota feret: nam quis facundo doctior ore,
Cordèq; diuino præstantior? ista locutus
Ceruleus Triton, barbamq; comamq; madentem
Mollibus absterfit manibus, finemq; loquendi
Fecit: at è Nymphis pulcerrima Callianassa,*

DE NVPTIIS REGIIS

Bellaq, Phyllodoce, nec non formosa Ligea,
 Et niveis Galathea genis, Panopæaq, culta,
 Insignisq, comis oculisq, Arethusa venustis,
 Insiluere choro lato, circaq, vagantes
 Nauigium sponsæ dulci cecinere susurro
 Carmina pauca quidem, sed non ingrata referri.

Salve cara soror, tu Regum sanguine nata,
 Es nuptura pio Regi, tu prole beata
 Efficiere: Dei magnum modò numen adora,
 Et Christi Domini conserva nobile verbum.
 Viue Deo, quin & dilecto viue marito,
 Quoq, potes studio tu Regni commoda quære.
 Præcipuè verò doctorum suscipe curam
 Per quos Relligio Christi decoratur, & artes
 Seruantur doctæ: nec negligè templa Scholasq,
 In quibus ipse Deus colitur, Musæq, vigescunt:
 Tùm viduas tristes, miserosq, iuuato pupillos.
 His quicquid tribues, hoc non, Regina, peribit:
 Rex etenim Christus celso qui regnat Olympo,
 Mundanosq, fouet Reges, castasq, tuetur
 Reginas, reddet tibi certè præmia digna,
 Progeniemq, tuam decorabit munere largo.

Hæc ubi cantârant delectæ carmina Nymphæ,
 Teutonicas naues in littora Danica Proteus
 Falstricus intrudit: demittunt lintea nautæ:

Anchora

An
 Di
 Pu
 Re
 Pr

 Re
 Cen
 La
 Nu
 Int
 Per
 Pre
 Illu

 Qu
 For
 Ne
 Si t
 Et
 No
 Mi
 Qu
 Vn
 A

FRIDERICI ET SOPHIÆ.

*Anchora proijcitur : procures sua gaudia promunt
Dulcibus alloquijs : demùm tunc ordine iusto
Puppibus ex altis descendunt : Falstrica tellus
Reginæ aduentu gaudet, rumoreq; grato
Præsentis Domine vicina Lolandia plaudit.*

*Salve festa dies qua formosissima Virgo
Regis in amplexum Friderici lege iugali,
Ceu Deus omnipotens mandauerat ipse, feretur :
Labere clara dies, non tu violabere mæstis
Nubibus aut pluuijs insanis, nomen amœnas
Inter Ephemeridas lætumq; nitensq; tenebis.
Pergite Pierides, mea gloria, pergite Musæ
Prodere quæ dederint venienti munera sponsæ
Illustres Diuæ, vos hac nec parte tacete.*

*Est locus (huic silices tribuere notabile nomen,
Quem Flintingiacum veneranda Lolandia dicit)
Fontibus, & syluis, & agris decoratus amœnis :
Nec sedes Diuis est aptior ulla futura,
Si terras habitare velint, aulasq; relinquunt
Æthereas : hæc qui transis loca, care viator,
Nominis esto memor Sadolini, atque aspice castas
Musas, & Charitum suauissima numina cerne.
Qua regione Deæ tres, Cypris, Iuno, Minerva,
Vnanimi egressæ consensu, lite remota
Antiqua, Sophiam Nympham pulcramq; piamq;
Ecce*

DE NVPTIIS REGIIS

Ecce salutatum veniunt : mox munera promunt,
 Nempè voluntatis non vilia signa benignæ.
 Harum prima loquens , formam tibi spontè reliqui
 Præstantem , dixit : nec me tibi præfero , quamuis
 Sim Dea : nam tota es rutilans , speciosa , venusta,
 Auroræ veluti formosæ nobile sydus.
 Sume tamen ceston reuerendi munus amoris,
 Gratior ut sponso fias : iucundius ecquid
 Et melius , quàm si sponsum florentibus annis
 Complectaris ouans , qui casto captus amore
 Te sociam sibi delegit , regniq; vocauit
 Participem ? dùm fata sinunt his utere donis
 O Regina decens , & grates solue Tonanti.
 Altera ait , magnum tibi dono , puella , fauorem
 Diuitiisq; beo te multis : insuper addo
 Gemmea vincla tuo femori , quæ fœdere iungent
 Æterno sponsumq; tuum , teq; optima sponsa.
 Tertia , quæ Pallas , tibi cessi nobile pridem
 Pectus , ait : mentemq; tibi , Regina , beatam
 Formam , ut sanctè viuas , discasq; libenter
 Dogmata pura Dei , prudenter & omnia cepta
 Expedias , linguamq; pia ratione gubernes :
 Te tamen egregia decoro sapienter oliua,
 Ut bonitatis amans , stimules ad fœdera pacis
 Iratos animos procerum qui bella requirunt,

Senaq;

Sena

De

Sola

Pro

Opt

Al

Ha

In

Sola

Cre

A

Vi

Co

Qu

Il

Il

V

R

O

O

Q

C

FRIDERICI ET SOPHIÆ.

Sænaq̃ damnandi connectunt iurgia Martis.

*Rumor ut hic venit Friderici Regis ad aures
De sponsæ aduentu, Christo pia vota precesq̃
Solvit: & exornans equites, celeresq̃ quadrigas,
Prodit in occursum: Nympham tum deinde salutat
Optatam: reliquosq̃ simul compellat amanter,
Alloquioq̃ leuat miti: tuba læta resultat
Harmonicis modulis, & carmina læta canuntur.*

*Rex equites inter fortes pulcerrimus extat
In circumstantes effundens lumen amicum,
Sol velut in cœlo radianti luce refulgens
Crescentes viridis terræ commendat aristas.
Aurato inuehitur curru Regina novella
Virgineo comitata choro Nymphisq̃ pudicis,
Cornua ceu referens splendentia fulgida Luna,
Quam cingunt stellæ rutilantes nocte serena.
Illum mirantur Dryades & Oreades unum:
Illam unam ardenti suspirant pectore Fauni.*

*Hafnia, quæ reliquas inter clarissima fulges
Urbes Danorum, iam gaudia dulcia carpe:
Rex pius ingreditur, Reginaq̃ iungitur illi
Ore verecundo clarissima, moribus aptis
Optima, sublimi Regum dignissima stirpe.
Quos ambos leges & iura decencia iungi
Connubio stabili permittunt, sanguine quamvis*

Sese

Sænaq̃

DE NVPTIIS REGIIS

*Sese respiciunt, & stirpe feruntur auita
Progeniti, generis non longas tangere metas.
Quod Deus admittit, simul & ciuilia iura
Non damnant, illud fieri reputato decenter
Regibus à magnis: quamuis restrictio legum
Non rarò fiat, ne praua licentia vulgi
Effluat in peius, iurisq; oriatur abusus.
Quod quoq; Mercurius qui nuncius esse Deorum
Facundus fertur magnorum, pandere suenit:
Cui prorsus similis vultu, linguaq; diserta
Liddouicæ Dominus Caspar Paslichius heros,
Interpres Legum qui nostri Regis in aula
Consilijs rectis pollet, virtuteq; clara
Enitet, ac Musas mira pietate tuetur.
Quocircà meritò canimus sanctos Hymenæos,
Hortamurq; alios ut castas carmine tædas
Condecorent digno, quas Rex Reginaq; nostra
Iure parare student: nam multos Hafnia Vates
Iam fouet ingenio celebres, atq; arte vigentes.
Doct̃or Ioannes Franciscus non modò clarus
Arte nitet medica, verùm & testudine mirus
Aonia, Phœbo dignissima carmina pangit.
Doct̃or Ioannes Pratensis Apolline plenus,
Et medicos miscet succos, & Musica plectra
Temperat, & numeris constringit verba disertis.*
Ioannes

Io
Va
De
Su
Da
Es
Re

Si
Tu
Bl
Li
Na
Na
Qu
Di
Fl
Va
A
E

L
Co
Te
Fl

FRIDERICI ET SOPHIÆ.

Ioannes quoq, Sacerides castusq, bonusq,
Vates, quàm valeat cithara, fidibusq, venustis,
Demonstrant hymni quos magna condidit arte.
Sunt etiam plures magniq, probiq, Poëtæ
Dania quos nutrit, quibus omnibus una voluntas
Esto, pio Regi meritas pertexere laudes,
Reginæq, bonæ dignum persolvere votum.

Interea, Rex ô Friderice Secunde, vigesce,
Sisq, in amore tuo felix, semperq, beatus:
Tuq, decens Regina, tuo te iungito Regi,
Blanda velut vitis socio coniungitur ulmo,
Littori & ut placido sociat se Cypria myrtus.
Non dolor atque dolus vestrum turbabit amorem,
Nam Deus ipse suis manibus vos ducit & ornat.
Qui cum coniugium statuât sanctosq, Hymenæos,
Dignum erit ut coniunx venerandi casta mariti
Flagret amore pio: Iustum, ut vir fidus amantem
Vxorem foueat, saniq, Cupidinis igne
Ardeat: Isacides nunquid Rachelide pulcra
Exarsit, velut ipsa illum reuerenter amavit?

Connubium castum quisquis contemnit & odit,
Legitimosq, thoros violat, legesq, iugales
Contemerat, magni accelerat sibi numinis iram:
Temporibus Noë Dominus cur perdidit orbem
Fluctibus undarum? cur demum perculit idem

Ignibus]

DE NVPTIIS REGIIS

Ignibus æthereis Sodomam, celebremq; Gomorram?
Dardana quid cecidit lacrymoso funere Troia
Pergama cum miseranda graui replet Achilles
Terribilis luctu? cur plurima regna frequenter
Peste, fame, & gladio, furisq; agitata leguntur,
Historiæ ut produnt sacra, libriq; prophani,
Multaq; demonstrant nostri paradigma seculi
Inuidiosa licet? causa extat fœda libido
Criminis impuri, Venerisq; licentia turpis.

Obijcienda vagis sunt ergo repagula flammis,
Qualia coniugij signantur in ordine puro,
Quod Pater instituit cœlestis: quodq; parentis
Æterni Natus decorauit munere magno,
Fontis aquam insipidam puri cum protinus ipse
Verteret in sapidum vinum, fundiq; iuberet
Pocula læta meri spumantis: honorat & ipsum
Coniugium sancto sublimis Spiritus ore
Doctorem Vatum, ceu Biblia sacra loquuntur,
Comprobat & Paulus diuini buccina verbi:
Quem magni Patres comitantur, & ipse Lutherus,
Ingenioq; alto præstant atq; arte Melanthon,
Et pietatis amans Ioannes Brentius, atque
Doctus Nicoleus Hemmingius, ore trilingui
Excellens heros, quo gaudet Dania nostra:
Nec non Dauides Chytræus, amabilis ille

Dux

D
R
V
S
C
I
P
C
E
R
G
Q
A
E
D
O
C
Q
H
C
R
V
N
L

FRIDERICI ET SOPHIÆ.

Dux gregis Aonij, Doctorq, piusq, iuuentæ
Rector, quâ sese iucundo murmure tollunt
Vernouides Nymphæ: numerus quibus omnibus in-
Suauiter accedit Doctorum, quos pia virtus (gens
Conspicuos reddit, Musæq, prioribus addunt,
Ingenioq, pares faciunt, vel fortè (nec illud
Pernego) maiores. Hi scriptis, voceq, viua,
Coniugij decus extollunt, vitaq, fatentur
Egria: quamuis Monachorum crassa caterua,
Rasq, turba statum sanctum conuellere dictis
Gaudeat impuris. Deus at mens casta decensq,
Qui fertur vindex æquus, iudexq, futurus
Alferet ipse bonam causam: volucresq, sinistras
Exitio tradet, rapidosq, repellet in ignes
Daemonis horrendi seruos, qui dira venena
Ore venenoso fundentes nobile magni
Contemerant Verbum Christi statibusq, resistunt
Quos Deus instituit, fecundat, munit, & ornat.

Hæc Doctor Paulus Matthias, præsul in urbe
Hafniaca dignus, præclara voce sonabit
Cætibus in procerum qui congregientur in illa
Regali pompa: nec Regius ille sacerdos
Vir bonus & constans, doctrinarumq, magister
Nicoleos Coldingensis, tam sancta tacebit
Dogmata: non alij Pastores pulcra silebunt

B

(Qualis

Dux

DE NVPTIIS REGIIS

(Qualis Ioannes Thomas laus ampla Mineruæ,
Et meus Albinus niuea pietate renidens)
Argumenta, quibus fulgens Ecclesia Christi
Instruitur, mentesq; piæ firmantur ut omni
Tempore concelebrent laudes & facta Tonantis.

Exemplum verò Friderici Regis amate
Vos reliqui Reges, virtuteq; surgite sancta
Illustres, quin & castam traducite vitam
Æthereo Regi qui nomina vestra dedistis.
Coniugium aduersus flammæ medicina nocentes
Omnibus ecce datur: fluit hinc veneranda propago
Humani generis: nitet hæc schola bella bonarum
Virtutum: Deus hîc colitur, pia corda probantur
Omnigenis studiis & relligione fouentur.

Ergò pios thalamos celebros & castos Hymenæos:
Et te felicem, Rex ô Friderice Secunde,
Dico, teq; fero, Sophia ô Regina, beatam,
Alite qui dextro socialis fœdera lecti
Dulcia pangentes licito gaudetis amore.
Concessam Venerem sanctiq; Cupidinis arma
Ferre decet: castos non damno pectoris æstus
Innocui: Iustos animorum laudo calores:
Laudo pias flammæ & Amorum millia mille
Legitimi dignas qui non excedere quærunt
Coniugij metas, sed honesta lege tenentur.

Ludite

FRIDERICI ET SOPHIÆ.

Ludite felices animæ, Christumq̃, timete :
Ludite dùm tempus finit : & speciosa iuuenta
Corporibus vestris constat, viresq̃, vigescunt
Præualidæ, calidoq̃, tepent cum sanguine venæ.
Mox Deus ipse dabit suauissima pignora vobis
Egregios natos, excellentesq̃, nepotes,
Quos similes patri facie, matriq̃, pudicis
Moribus, extollet manibus Fortuna decoris.

Gaude Vlrice pater, gaude Elisabetha corusca
Reginæ mater : communis gloria vobis
Germine consurgit generoso : Fama perennis
Nascitur en vobis ex his puris Hymenæis.

Dux Auguste potens, cui se Germania Marte
Incluta submittit, defensoremq̃, fatetur,
Romani Imperij Elector nitidissime, salve :
Hancq̃, tuæ decora virtutis lumine pompam,
Stemmata qui Regum veteri prognatus es ipse,
Quemq̃, soror Regis carum colit Anna maritum,
Anna pias inter venerabilis Heroinas.

Vos patruï, & fratres Regis, cognataq̃, turba,
Et proceres, clariq̃, viri, iuuenesq̃, modesti,
Matronæq̃, bonæ, tuq̃, intemerata caterua
Nympharum, Charitesq̃, sacre, Veneresq̃, iocosæ,
Ferte Deo votum, linguisq̃, animisq̃, fauete.
Tuq̃, Hymenæe animos placidè constringe duorum,

DE NVPTIIS REGIIS

*Vno ceu thalamo coniungis corpora bina.
Auspice te surgit præclarus honore maritus,
Te duce virginei celeberrima fama pudoris
Hactenus insignis Sophia intrat Regia coniunx.
Quod superest igitur, Rex & Regina valete,
Et decorate genus vestrum, stirpemq; videte
Crescentem innumeris gradibus: Friderice Secunde,
Multiplices supera longæui Nestoris annos:
Et Sophia excellens, exple longissima Vatis
Secula Cumææ. Nymphæ nunc ostia claudant
Regia formosæ: vos, ô mea gloria Musæ,
Culta per ora virûm doctorum leniter ite.*

IEHOVE GENTIVM
SERVATORI VIC-
TORIA.

POLITI

POLITIAS ET OECONO-
MIAS DIVINITVS CONSERVA-
ri, doctrina & consolatio ex Psalmo cxxvij,
Sadolino interprete.

NI Deus ille summus
Te inuuet nutu placido, te pius & gubernet :
Quid tibi cura mordax ?
Quid tuis profunt studijs anxiferi labores ?
Ni Deus urbes altos
Cœlica prudens validæ muniat arte muros :
Quàm temerè laborat,
Nocte qui cæca vigilans mœnia celsa seruat.
Nil iuuat ante claræ
Lucis exortum riguo soluere te sopore :
Serus & ad quietem
Fessa tu frustra tacitam condere membra quæris :
Noxia vita demùm
Ducitur, si non Dominus te foueat, regatq̃.
Nam Deus omne præstat
Commodum iustis, & eos ditat & ornat vltro.
Cœlitùs ipse donat
Filiis casti thalami pignora gratiosa :
Præmia qui bonorum
Sunt virùm, merces simul & coniugij pudici :
Qui velut & sagittæ

In

*In manu culti resident indomita parentis.
Integer ille, tantis
Cuius appensa est humeris plena pharetra telis.
Victor enim refulgens
Exeret sese, reprobos & rigidus retundet :
Nec pudefactus unquam
Terga monstrabit tumido Marte furente fastu.*

*EPITHALAMION EX
PSALMO CXXVIII. SA-
dolino interprete.*

*Q**ui Dominum Deum pectore non doloſo
Suscipiens timet, cultibus atque rectis
Euehit : hic Dei conſilio niteſcet
Floridus & beatus.
Iuſtus enim poteſt per manuum labores
Accumulare opes atque parare victum.
Plurima ſic, Deum qui placide requiris
Commoda conſequeris.
Mente micans proba, corpore grata coniunx.
Ædibus in tuis exiliet potenter,
Vitis ut explicans, non ſine dignitate,
Pampineos racemos.
Ad propriam tuam tu reſidere menſam
Filiolos tuos aſpicias decenti*

Ordi-

12
*Ordine, surculos non secus ac virentis
Paciferos oliuæ:
Tot bona per Dei munifici fauorem
Percipit hic pio qui studio tenetur:
Qui quoque se duci saluifico ministrum
Iungit amore fido.
Perge igitur Deo subdere te corusco:
Hic tibi maximas fundet opes Olympo:
Hic tribuet tuæ, donec in orbe deges,
Tempora læta vitæ.
Hic faciet tuam progeniem benignus
Per varios gradus splendidulam vigere:
Hic dabit ut senex leticia fruaris
Pacèq; sempiterna.*

FINIS.

